



Verwysing: 20210609-3675

Lêerno.: 13/8/1

Navrae: M Combrink

Assesseringsbestuursminuut: 0008/2021

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Adjunkdirekteure, Hoofonderwyskundiges, Hoofde: Kurrikulum-ondersteuning, Kringbestuurders, Hoofde: Bestuur en Beheer, Adjunkhoof-onderwyskundiges, Assesserings- en Eksamenkoördineerders, Vakadviseurs en Hoofde van inrigtings wat kandidate vir die Nasionale Senior Sertifikaat-eksamens voorberei

Onderwerp: Uitnodiging om aansoek te doen om die pos as monitor vir die 2021/2022 Nasionale Senior Sertifikaat- (NSS-) en Senior Sertifikaat- (SS-) eksamen

1. Die gehaltebeheer, behoorlike optrede, administrasie en bestuur van die eksamen is noodsaaklik op alle vlakke van die onderwysstelsel. Om te verseker dat die graad 12-eksamen geloofwaardig is, gaan die Wes-Kaap Onderwysdepartement (WKOD) die monitering van die eksamen regdeur die provinsie versterk.
2. Die minimum norme en standarde vir die monitering van eksamensentrums gedurende die eksamen word uiteengesit in die *Nasionale Beleid met betrekking tot die afneem, administrasie en bestuur van die Nasionale Senior Sertifikaat Eksamen*, gepubliseer in *Staatskoerant* No. 37651 van 16 Mei 2014.
3. Die WKOD nooi hiermee voormalig indiensgeneemde (afgetrede) opvoeders of amptenare met die toepaslike eksamen- en bestuursondervinding uit om aansoek te doen om die 2021/2022 NSS- en SS-eksamen te monitor.
4. Potensiële applikante moet aan die volgende maatstawwe voldoen:
 - 4.1 Was voorheen as 'n kringbestuurder, hoofonderwyskundige, adjunkhoof-onderwyskundige, senior kurrikulumbepanner, vakadviseur, senior onderwyskundige, prinsipaal, adjunkprinsipaal of eksamenamptenaar in diens geneem.
 - 4.2 Het ten minste drie jaar ondervinding in die monitering of afneem, administrasie en bestuur van die NSS-/SS-eksamen.

- 4.3 Het geen kriminele rekord nie.
- 4.4 Is nie ouer as 69 jaar nie. 'n Mediese sertifikaat van 'n dokter sal vereis word om die stand van die gesondheid te bevestig.
5. Applikante moet hulle eie voertuie vir monitering gebruik.
6. Alle monitors wat aangestel is, sal onder die vaandel van die *Dots Africa* getoets word wat 'n persoonlike geloofwaardigheidsertifikaat (verslag) sal opstel.
7. U sal weens die volgende redes nie as 'n monitor aangestel word nie:
- Is uit die diens of enige Suid-Afrikaanse regeringsdepartement ontslaan.
 - Het 'n vrywillige diensbeëindigingspakket aanvaar.
 - Het weens swak gesondheid afgetree.
 - Het 'n risiko-aanduiding van MIE kry wat "RISK" verklaar
8. Die volgende stel dokumente sal verlang word:
- Gewaarmerkte afskrif van identiteitsdokument (ID)
 - Bankbesonderhede (DPE 3 vorm)
 - Besonderhede oor inkomstebelastingnommer
9. Monitors sal vanaf ongeveer 19 Oktober 2021 tot 10 Desember 2021 vir die NSS-eksamen aangestel word. Monitors sal vir die 2021 Mei/Junie-eksamen oorweeg word. Daar sal ook van monitors verlang word om 'n vaardigheidstoets na die opleidingsessie af te lê.
10. Alle monitors wat aangestel is, moet die moniteringsopleiding wat vir September/Oktober 2021 gereël sal word, voor die aanvang van die eksamen bywoon.
11. Die vergoeding van monitors word gebaseer op die Personeeladministrasiemaatreëls (PAM) se skaal, soos gepubliseer in *Staatskoerant* No. 39684 van 12 Februarie 2016.
12. Aansoeke moet op of vóór **01 Julie 2021** ingedien word.
13. Aansoeke kan slegs elektronies via 'n rekenaar of selfoon ingedien word deur die volgende skakel: <https://forms.office.com/r/Rv73YECGCA>, of VR-kode.



14. Sodra 'n aansoek ingedien is, sal die persoonlike getuigskrifopenbaarmakingsvorm aan alle aansoekers per e-pos gestuur word. Die volledig voltooide dokumente en 'n gewaarmerkte afskrif van die aansoeker se ID moet so gou as moontlik in PDF-formaat geskandeer en aan Moya.Combrink@westerncape.gov.za per e-pos gestuur word.
15. Prinsipale, distriksdirekteure, kringbestuurders en vakadviseurs word vriendelik versoek om die inhoud van hierdie minuut onder die aandag van alle potensiële applikante te bring. **Die Direkoraat: Assesseringsbestuur kan nie verantwoordelik gehou word indien potensiële applikante nie oor die inhoud in kennis gestel word nie.**
16. Die WKOD maak staat op u samewerking en ondersteuning in hierdie belangrike saak.

GETEKEN: H MAHOMED

WAARNEMENDE ADJUNK-DIREKTEUR-GENERAAL: KURRIKULUM- EN ASSESSERINGSBESTUUR

DATUM: 2021-06-21